



## KEMENTERIAN KESIHATAN MALAYSIA

### KENYATAAN MEDIA

### KEMENTERIAN KESIHATAN MALAYSIA

#### SITUASI SEMASA DEMAM DENGGI DI MALAYSIA

#### MINGGU EPIDEMIOLOGI 07 (11 FEBRUARI 2024 – 17 FEBRUARI 2024)

Pada Minggu Epidemiologi ke-07 tahun 2024, jumlah kes demam denggi yang dilaporkan adalah sebanyak 3,483 kes berbanding 3,631 kes pada minggu sebelumnya. Terdapat empat (4) kematian akibat komplikasi demam denggi dilaporkan pada Minggu Epidemiologi ke-07 tahun 2024.

Kumulatif kes demam denggi yang dilaporkan sehingga Minggu Epidemiologi ke-07 adalah sebanyak 25,541 kes berbanding 15,243 kes bagi tempoh sama tahun 2023. Manakala terdapat 14 kematian akibat komplikasi demam denggi telah dilaporkan berbanding 13 kematian bagi tempoh yang sama pada tahun 2023.


Bilangan lokaliti hotspot yang dilaporkan pada Minggu Epidemiologi ke-07 adalah sebanyak 185 lokaliti berbanding 199 lokaliti hotspot pada minggu sebelumnya. Dari 185 lokaliti yang dilaporkan, 144 lokaliti di Negeri Selangor, 17 lokaliti di WPKL & Putrajaya, sembilan (9) lokaliti di Negeri Perak, enam (6) lokaliti di Negeri Sembilan, empat (4) lokaliti di Pulau Pinang, dua (2) lokaliti di Negeri Kedah, dua (2) lokaliti di Negeri Sabah serta satu (1) lokaliti di Negeri Pahang.

Bagi surveyan chikungunya, terdapat satu (1) kes direkodkan pada Minggu Epidemiologi ke-07. Jumlah kumulatif kes chikungunya sehingga kini adalah empat (4) kes. Tiada wabak Chikungunya dilaporkan pada Minggu Epidemiologi ke-07. Bagi surveyan zika, sebanyak 307 sampel darah telah dijalankan saringan zika dan hasil kesemuanya adalah negatif.


Setiap lapisan masyarakat perlu bertanggungjawab, bertindak proaktif dan memainkan peranan masing-masing dalam usaha membantu mengurangkan kejadian kes demam denggi yang sedang meningkat. Pastikan persekitaran premis sentiasa bebas dari pembiakan nyamuk *Aedes* dengan melakukan aktiviti Cari dan Musnah tempat berpotensi pembiakan *Aedes* di dalam dan luar premis sekurang kurangnya 10 minit sekali seminggu. Letak bahan pembunuhan jentik-jentik pada bekas yang ada air jernih bertakung seperti dalam pam tandas, dalam mangkuk tandas yang tidak digunakan/ rosak atau dalam kolah. Lakukan aktiviti semburan aerosol di dalam premis pada waktu awal pagi dan lewat petang bagi membunuhi nyamuk dewasa. Selain itu, amalkan langkah-langkah pencegahan gigitan nyamuk *Aedes* dengan memakai baju lengan panjang dan seluar panjang serta memakai repelan atau bahan penghalau nyamuk (repelan) pada bahagian badan yang terdedah kepada gigitan nyamuk. **Tiada Aedes, tiada denggi, chikungunya dan zika.**

**DATUK DR. MUHAMMAD RADZI BIN ABU HASSAN**


Ketua Pengarah Kesihatan  
Kementerian Kesihatan Malaysia  
**27 Februari 2024**




**Gambarajah 1:** Perbandingan kes dan kematian demam dengan Minggu Epidemiologi ke-07 & ke-06 tahun 2024



**Gambarajah 2:** Perbandingan kes dan kematian demam dengan sehingga Minggu Epidemiologi ke-07 tahun 2024 dan tempoh sama tahun 2023



**Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-07), 2023 dan median 2019-2023**



**Gambarajah 4: Jumlah lokaliti hotspot denggi Minggu Epidemiologi ke-07 tahun 2024**